



BASES E CONVOCATORIA DE AXUDAS A TRAVÉS DE INCENTIVOS Á CONTRATACIÓN TEMPORAL POR CONTA ALLEA A FAVOR DO ALUMNADO/TRABALLADOR DO OBRADOIRO DE EMPREGO PARQUE FORESTAL DE AUTÓCTANAS DO MONTE PEDROSO

BASES

A convocatoria e a resolución destas subvencións de “Incentivos á contratación temporal por conta allea do alumnado do Obradoiro de Emprego “Parque Forestal de autóctonas do Monte Pedroso”, de acordo co establecido no art. 22.1 da lei 38/2003, do 17 de novembro, Xeral de Subvencións, rexeráse polas seguintes bases que teñen como obxecto establecer as normas de participación.

I. Normativa e financiamento

Convócase a concesión de subvencións por parte do Concello de Santiago de Compostela, a través de incentivos á contratación temporal por conta allea do alumnado-traballador do Obradoiro de Emprego “Parque Forestal de autóctonas do Monte Pedroso” de acordo co disposto no artigo 15 da ORDE do 7 de febreiro de 2024 pola que se establecen as bases reguladoras das axudas e subvencións para os obradoiros duais de emprego da Comunidade Autónoma de Galicia, e se convocan para o ano 2024.

A cantidade global máxima para esta convocatoria ascende a 30.000,00 € con cargo a ao proxecto 2024 3 PEDRO 24, e a aplicación orzamentaria 020241024790000, Fomento do Emprego, Transferencias correntes a empresas privadas.

II. Finalidade e duración dos incentivos á contratación por conta allea.

1. Os incentivos á contratación temporal por conta allea teñen por finalidade facilitar a empregabilidade e ocupabilidade das persoas participantes no Obradoiro Dual de Emprego “Parque Forestal de autóctonas do Monte Pedroso”, que finalicen o obradoiro co resultado de apto/a.
2. A contratación temporal terá unha duración mínima de 3 meses.
3. A xornada da contratación temporal será a tempo completo.
4. A contratación laboral deberá comezar nos quince días seguintes á finalización do taller dual de emprego “Parque Forestal de autóctonas do Monte Pedroso”, sendo a data de finalización de deste o 15/09/2025.

III. Entidades beneficiarias dos incentivos á contratación.



Poderán ser entidades beneficiarias dos incentivos á contratación as persoas físicas, xurídicas, as sociedades civís e as comunidades de bens, aínda que carezan de personalidade xurídica e UTES. No caso de sociedades civís, comunidades de bens e unións temporais de empresas deberá facerse constar expresamente, tanto na solicitude como na resolución de concesión, os compromisos de execución asumidos por cada membro da agrupación, así como o importe de subvención que se vai a aplicar para cada un deles, que terán igualmente a consideración de beneficiario/a. En calquera caso, deberán nomear unha persoa representante ou apoderada única da agrupación, con poder suficiente para cumprir as obrigacións que, como beneficiaria, correspóndanlle á agrupación. No suposto de unións temporais de empresas, cada empresa que forme parte desta unión deberá reunir os requisitos esixidos para acceder ás axudas.

As persoas empregadoras e as empresas deberán cumprir cos seguintes requisitos:

1. Que a súa actividade estea directamente relacionada coa formación impartida no taller dual de emprego, é dicir, que a actividade estea relacionada coas especialidades de:

- a). “REPOBOACIÓN FORESTAL E TRATAMENTOS SILVÍCOLAS (AGAR0208)” ,ou
- b) “CONFECCIÓN E PUBLICACIÓN DE PÁXINAS WEB (IFCD0110)”

2. Que contraten traballadoras ou traballadores por conta allea para prestar servizos nas actividades mencionadas. en centros de traballo radicados, no Concello de Santiago. Ámbito territorial do Obradoiro dual de emprego.

Non poderán ser entidades beneficiarias destas axudas:

- 1. As administracións públicas, as sociedades públicas, nin as entidades vinculadas ou dependentes de calquera delas.
- 2. As persoas ou entidades nas que concorran algunha das circunstancias previstas no artigo 10 da Lei 9/2007, do 13 de xuño, de subvencións de Galicia:
 - a) Ser condenadas mediante sentenza firme á pena de perda da posibilidade de obter subvencións ou axudas públicas.
 - b) Solicitar a declaración de concurso, ser declaradas insolventes en calquera procedemento, atoparse declaradas en concurso salvo que en este adquirise eficacia un convenio, estar suxeitas a intervención xudicial ou ser inhabilitadas conforme á Lei concursal sen que conclúa o período de inhabilitación fixado na sentenza de cualificación do concurso.
 - c) Dar lugar, por causa da que fosen declaradas culpables, á resolución firme de calquera contrato subscrito coa Administración.

d) Estar incurso a persoa física, os administradores das sociedades mercantís ou aqueles que exerzan a representación legal doutras persoas xurídicas nalgún dos supostos de incompatibilidades que estableza a normativa vixente.

e) Non estar ao corrente no cumprimento dos obrigacións tributarias ou fronte á Seguridade Social ou ter pendente de pago algunha outra débeda coa Administración pública da Comunidade Autónoma nos terminos regulamentariamente establecidos.

f) Ter a residencia fiscal nun país ou territorio cualificado regulamentariamente como paraíso fiscal.

g) Non estar ao corrente de pago de obrigacións por reintegro de subvencións nos termos regulamentariamente establecidos.

h) Ser sancionada, mediante resolución firme, coa perda da posibilidade de obter subvencións segundo a Lei 9/2007, do 13 de xuño, de subvencións de Galicia, ou a Lei xeral tributaria.

i) Non poderán acceder á condición de entidade beneficiaria as agrupacións de persoas físicas ou xurídicas, públicas ou privadas sen personalidade, cando concorra algunha das prohibicións anteriores en calquera dos seus membros.

j) En ningún caso poderán obter a condición de entidade beneficiaria as asociacións incursas nas causas de prohibición previstas nos apartados 5 e 6 do artigo 4 da Lei orgánica 1/2002, do 22 de marzo, reguladora do dereito de asociación, nin as asociacións respecto das que se suspendeu o procedemento administrativo de inscrición por atoparse indicios racionais de ilicitude penal, en aplicación do disposto no artigo 30.4 da Lei orgánica 1/2002, mentres non recaia resolución xudicial firme en cuxa virtude poida practicarse a inscrición no correspondente rexistro.

3. . As entidades solicitantes que estean excluídos do acceso aos beneficios derivados da aplicación dos programas de emprego, conforme ao establecido no artigo 46 e 46 bis do texto refundido da Lei de infraccións e sancións na orde social, aprobado polo Real decreto lexislativo 5/2000, do 4 de agosto.

4. A xustificación por parte das persoas ou entidades solicitante de non estar incursas nas prohibicións contidas nos números 5 e 6 anteriores para obter a condición de beneficiario realizarase mediante declaración responsable.

IV. Número de contratos que se van a subvencionar e contía dos incentivos.

1. O número máximo de contratos que se van a subvencionar é de 20 contratos.



2. Os contratos temporais incentivaranse cunha subvención de 1.500 € por cada traballador/a, correspondente ao contrato mínimo de 3 meses a xornada completa.

3. Os beneficios establecidos á contratación neste programa non poderán, en concorrencia con outras axudas públicas para a mesma finalidade, superar o 100 % dos custes da contratación dos/das traballadores/as (custo salarial das mensualidades obxecto de subvención máis os custes de Seguridade Social).

V. Exclusiones. Exclúense dos beneficios regulados neste programa:

1. As relacións laborais de carácter especial previstas no artigo 2.1 do Real decreto legislativo 2/2015, do 23 de outubro, polo que se aproba o texto refundido da Lei do Estatuto dos traballadores ou noutras disposicións legais, así como as contratacións de traballadores ou traballadoras para prestar servizos noutras empresas mediante contratos de posta a disposición.

2. Os contratos realizados co/a cónxuxe, as persoas ascendentes, as persoas descendentes e demais parentes, por consanguinidade ou afinidade, ata o segundo grao inclusive, da empresaria ou empresario ou das persoas que teñan cargos de dirección ou sexan membros dos órganos de administración das empresas que revistan a forma xurídica de sociedade, así como as que se produzan con estes últimos. Non será aplicable esta exclusión cando a persoa empregadora sexa unha persoa traballadora autónoma que contrate como persoa traballadora por conta allea aos fillos e fillas menores de 30 anos, tanto se conviven ou non con ela, ou cando se trate dunha persoa traballadora autónoma sen persoas asalariadas e contrate a un só familiar menor de 45 anos que non conviva no seu fogar nin estea ao seu cargo.

3. As contratacións realizadas con persoas traballadoras que nos 24 meses anteriores á data da contratación prestasen servizos na mesma empresa, segundo o establecido no artigo 2 do Regulamento (UE) 1407/2013 da Comisión, do 18 de decembro de 2013, mediante un contrato de carácter indefinido, ou nos últimos 3 meses mediante un contrato de carácter temporal ou mediante un contrato formativo, de substitución ou de substitución por anticipación da idade de xubilación. O disposto neste parágrafo será tamén de aplicación no suposto de vinculación laboral anterior do traballador ou da traballadora con empresas ás cales a persoa solicitante dos beneficios sucedese en virtude do establecido no artigo 44 do Real decreto legislativo 2/2015, do 23 de outubro.

VI. Prazos e solicitudes.

1. As solicitudes de axudas polas contratacións subvencionables deberán presentarse no rexistro xeral do Concello de Santiago de Compostela na forma que determina o artigo 16.4 da lei 39/2015, do 1 de outubro do Procedemento administrativo común da Administracións Públicas, no prazo de dez días a contar desde o día seguinte á publicación do extracto da convocatoria no boletín Oficial da Provincia da



Coruña. Entenderase como último día de prazo o correspondente ao mesmo ordinal do día da publicación. Se este último día é inhábil, entenderase prorrogado ata o primeiro día hábil seguinte. Se no mes de vencemento non hai día equivalente ao inicial do cómputo entenderase que o prazo finaliza o último día do mes.

2. As solicitudes deberán presentarse no modelo normalizado que figura como anexo I, xunto coa seguinte documentación, orixinal ou copia cotexada ou cotexada:

- a) NIF da persoa física ou xurídica. E neste último caso, documento de identidade da persoa que posúa a representación da sociedade e documento que acredite esta representación.
- b) Declaración do persoal de todos os centros de traballo da empresa en Galicia no mes anterior ao mes de publicación da presente convocatoria, (incluída no anexo I).
- c) Declaración responsable de que posúe a capacidade administrativa, financeira e operativa para cumprir as condicións da axuda, (incluída non anexo I).
- d) Alta no IAE ou, no seu caso, a declaración de alta no censo de obrigados tributarios.
- e) Certificado de conta bancaria

VII. Obrigacións das entidades beneficiarias.

1. Incorporar á persoa nun posto de traballo directamente relacionado coa formación recibida no Obradoiro dual de emprego “ PARQUE FORESTAL DE AUTÓCTANAS DO MONTE PEDROSO” (“REPOBOACIÓN FORESTAL E TRATAMENTOS SILVÍCOLAS -AGAR0208-” ou con “CONFECCIÓN E PUBLICACIÓN DE PÁXINAS WEB - IFCD0110-”)

2. Manter no seu persoal á persoa contratada polo período de duración do contrato obxecto de subvención. No caso de extinción do contrato de traballo temporal polas causas previstas na normativa laboral vixente con anterioridade á finalización do período esixible, a empresa deberá comunicar esta circunstancia á entidade promotora dos talleres duais de emprego no prazo de sete días desde que se produza, para promover a súa substitución nas mesmas condicións, ofertando a cobertura do posto de traballo vacante a outras persoas participantes no taller, que non fosen contratadas previamente.

3. Como consecuencia da contratación temporal pola que se solicita a subvención, ten que incrementarse o emprego neto da entidade solicitante no ámbito territorial de Galicia respecto ao mes anterior ao mes de realización da contratación pola que se solicita a subvención. Para o cálculo do incremento do persoal non se computarán as persoas traballadoras cuxo contrato de traballo extíngase por causas obxectivas ou por despedimento disciplinario que non sexan declarados improcedentes, ou cuxas baixas se produciron por dimisión da persoa traballadora ou por morte, xubilación, incapacidade



permanente total ou absoluta ou grande invalidez legalmente recoñecidas, ou por finalización do contrato.

4. As contratacións polas que se solicita subvención deberán formalizarse e comunicarse á oficina pública de emprego na forma regulamentariamente establecida.

5. Unha vez finalizado o período de cumprimento desta obrigaición, corresponderalle á entidade promotora do Obradoiro dual de emprego “PARQUE FORESTAL DE AUTÓCTANAS DO MONTE PEDROSO” levar a cabo a función de control das subvencións concedidas, así como a avaliación e seguimento deste programa.

VIII. Competencia.

A competencia para instruír o procedemento de concesión das axudas corresponderá á/ao Concelleiro/a de Emprego do Concello de Santiago de Compostela. Que emitirá a proposta de resolución, previa comprobación da documentación da solicitude e do cumprimento polas entidades beneficiarias dos requisitos establecidos.

IX. Procedemento de concesión, instrución e tramitación.

O procedemento de concesión das solicitudes presentadas ao amparo desta convocatoria ten a consideración de concorrencia non competitiva. As solicitudes serán resoltas por orde estrita de entrada ata o esgotamento do crédito.

O criterio de concesión, por tanto, será único:

Orde temporal estrita de entrada da solicitude no Rexistro da Administración do Organo competente para resolver (Concello de Santiago de Compostela).

X. Resolución e recursos.

1. As resolucións de concesión ou denegación serán sempre motivadas. O órgano resolutorio é a Xunta de Goberno Local do Concello de Santiago de Compostela.

2. O prazo para resolver e notificar é de un mes, que se computarán desde data de entrada da solicitude no rexistro do órgano competente para a súa tramitación. Transcorrido devandito prazo sen que se dite resolución expresa, entenderase desestimada a solicitude, de acordo co establecido no artigo 23.5 da Lei de subvencións de Galicia.



3. Notificada a resolución polo órgano competente, as entidades propostas como beneficiarias dispoñerán dun prazo de dez días para a súa aceptación; transcorrido este, sen que se produza manifestación expresa, entenderase tacitamente aceptada.

4. As resolucións que se diten neste procedemento esgotan a vía administrativa e contra elas cabe interpoñer recurso contencioso-administrativo, no prazo de dous meses, ante o órgano competente da xurisdición contencioso-administrativa, de acordo co disposto na Lei 29/1998, do 13 de xullo, reguladora da xurisdición contencioso-administrativa. Poderá formularse, con carácter potestativo, recurso de reposición, no prazo dun mes, ante o mesmo órgano que ditou a resolución impugnada, de conformidade coa Lei 39/2015, do 1 de outubro, do procedemento administrativo común das administracións públicas.

XI. Xustificación e Pagos.

1. No prazo de 15 días desde que se formalicen os contratos subvencionados, a empresa deberá achegar ao Concello a seguinte documentación:

a) Copia dos contratos laborais formalizados.

b) Xustificantes de alta na Seguridade Social dos traballadores.

2. Transcurridos 3 meses desde que se iniciaron os contratos, deberá presentarse a xustificación por parte da entidade beneficiaria. A xustificación realizarase mediante a acreditación do cumprimento do obxecto da axuda por parte da entidade beneficiaria. Deberá realizarse no prazo máximo de 10 días do remate do período mínimo da contratación subvencionada (tres meses), achegando a documentación seguinte:

a) Formulario de xustificación e solicitude de pago (anexo II), que inclúe Declaración complementaria da presentada coa solicitude, do conxunto de axudas solicitadas, tanto as aprobadas ou concedidas como as pendentes de resolución, para a mesma finalidade das distintas administracións públicas competentes ou outros entes públicos ou, no seu caso, unha declaración de que non solicitou nin percibiu outras axudas ou subvencións.

b) Informe de vida laboral do código de conta de cotización específica da empresa ou entidade na que se fixo a contratación, comprensiva do período de duración da contratación.

c) Certificados de estar ao corrente nas súas obrigas coa Administración Tributaria (estatal, autonómica e local) e coa Seguridade Social.

3. Tras a resolución de concesión, a Xunta de Goberno Local, a proposta da/do Concelleiro/a delegado/a competente, aprobará o recoñecemento de obrigacións correspondentes ás subvencións concedidas, e



ordenará o pago da axuda. Que se fará efectivo nun pagamento único, despois de aprobada a xustificación referida.

4. Nos casos de que a empresa se comprometese a unha contratación superior a 3 meses, unha vez finalizado o período contratado deberá achegar ademais, no prazo de 20 días desde a finalización, un novo informe de vida laboral no que se acredite a efectiva contratación durante o período comprometido.

5. Excepcionalmente, e por causas debidamente xustificadas, o órgano concedente poderá outorgar unha ampliación do prazo establecido para a presentación da xustificación, a condición de que sexa solicitado polo interesado con 5 días hábiles de antelación á finalización do prazo de xustificación. O acordo de ampliación deberá ser notificado ás persoas ou entidades beneficiarias.

6. Non poderá realizarse o pago da subvención en canto a entidade beneficiaria non estea ao corrente no cumprimento das súas obrigacións tributarias e fronte á Seguridade Social ou teña pendente de pago algunha outra débeda coa Administración pública da Comunidade Autónoma ou co Concello de Santiago ou sexa debedora en virtude de resolución firme declarativa de orixe de reintegro.

XII. Incompatibilidades e concorrencia.

1. As axudas previstas neste programa para as contratacións por conta allea son incompatibles con outras que, polos mesmos conceptos, poidan outorgar as administracións públicas como medida de fomento de emprego. Con todo, serán compatibles, no seu caso, coas bonificacións ou reducións de cotizacións á Seguridade Social.

2. Os incentivos establecidos neste programa serán compatibles con calquera outra axuda para distinta finalidade da Unión Europea, doutras administracións públicas ou entes públicos ou privados pero, sen que en ningún caso, illadamente ou en concorrencia con outras poidan superar os límites establecidos pola Unión Europea e os que establece o artigo 17.3 da Lei 9/2007, do 13 de xuño, de subvencións de Galicia.

XIII Perdida do dereito á cobranza da subvención e reintegro.

1. Procederá a perda do dereito á cobranza da subvención, así como o reintegro total ou parcial das cantidades percibidas e a esixencia dos xuros de amora correspondentes desde o momento do pago da subvención ata a data en que se acorde a orixe do reintegro, nos casos previstos no artigo 33 da Lei 9/2007, do 13 de xuño, de subvencións de Galicia.



2. Os obrigacións de reintegro establecidas nesta orde, entenderanse sen prexuízo do establecido no Real decreto legislativo 5/2000, do 4 de agosto, que aproba o texto refundido da Lei sobre infraccións e sancións na orde social.

3. Entenderase que se produce un incumprimento parcial e, por tanto, procederá o reintegro parcial dos incentivos, cando a persoa traballadora subvencionada sexa cesada na súa relación laboral antes de que transcorra o período mínimo de subvención e a empresa non proceda a substituílo.

XIV. Devolución voluntaria da subvención.

1. De acordo co establecido no artigo 64 do Regulamento da Lei 9/2007, do 13 de xuño, de subvencións de Galicia, aprobado polo Decreto 11/2009, do 8 de xaneiro, as entidades beneficiarias poderán realizar, sen o requirimento previo da Administración, a devolución total ou parcial da subvención concedida, mediante o seu ingreso na conta da entidade promotora do taller dual de emprego, en concepto de devolución voluntaria da subvención.

2. En todo caso, a entidade beneficiaria deberá presentar ante o órgano concedente copia xustificativa da devolución voluntaria realizada, en que conste a data do ingreso, o seu importe, o número do expediente e denominación da subvención concedida.

XV. Comprobación de datos

1. Para a tramitación deste procedemento consultarase automaticamente os datos incluídos nos seguintes documentos elaborados polas administracións públicas:

- DNI/ NIE da persoa que, en nome e representación da entidade, solicita a concesión da subvención.
- NIF da entidade solicitante
- Certificado de estar ao corrente coa Axencia Tributaria
- Certificado de estar ao corrente coa Seguridade Social
- Certificado de estar ao corrente coa Administración Pública da Comunidade Autónoma

2. No caso de que as persoas interesadas opóñanse a esta consulta deberán indicalo no cadro correspondente, habilitado nos anexos de solicitude e xustificación, e achegar os referidos documentos.



3. Excepcionalmente, no caso de que algunha circunstancia imposibilite a obtención dos citados datos, poderase solicitar ás persoas interesadas a presentación dos documentos correspondentes.

Disposición adicional primeira.

As axudas a empresas que se poidan conceder ao amparo da presente convocatoria, sométense ao réxime de minimis, nos termos establecidos no Regulamento (UE) núm. 1407/2013 da Comisión, do 18 de decembro de 2013, relativo á aplicación dos artigos 107 e 108 do Tratado de funcionamento da Unión Europea á axudas de minimis (DOUE L352, do 24 de decembro de 2013).

Disposición adicional segunda.

Ao final do Obradoiro de Emprego “Parque Forestal de autóctonas do Monte Pedroso”, a dirección do taller emitirá un informe no que se relacione ao alumnado traballador coa puntuación obtida durante a súa participación no mesmo, para desta maneira seguir este orde de prelación á hora de asignar os/as traballadores/as ás empresas. No caso de empate nas puntuacións e sexa necesario desempatar para asignar un/unha traballador/a nunha empresa realizarase un sorteo público.

En Santiago, a de xullo 2025.

A Alcaldesa Goretti Sanmartín Rei.

ANEXO I

SOLICITUDE

**INCENTIVOS A CONTRATACIÓN TEMPORAL POR CONTA ALLEA DO ALUMNADO DO
OBRADOIRO DE EMPREGO "Parque Forestal de autóctonas do Monte Pedroso"**

DATOS DA ENTIDAD SOLICITANTE

RAZON SOCIAL		NIF
ENDEREZO		
COD. POSTAL	PROVINCIA	CONCELLO
TELEFONO	FAX	CORREO ELECTRÓNICO

E, NA SÚA REPRESENTACIÓN (deberá acreditarse a representación por cualquier medio valido en dereito)

NOME	APELIDOS	NIF

DATOS PARA EFECTOS DE NOTIFICACIÓN:

MÉTODO DE NOTIFICACIÓN PREFERENTE:		ELECTRÓNICA		POSTAL
CORREO ELECTRÓNICO				

ENDEREZO POSTAL



COD POSTAL	PROVINCIA	CONCELLO

DATOS BANCARIOS:

TITULAR DA CUENTA						
NÚMERO DE CONTA						
IBAN						

SUBVENCIÓN SOLICITADA:

SOLICÍTASE A AXUDA PARA A CONTRATACIÓN DE PERSOA/ S ALUMNA/ S DO OBRADOIRO DE EMPREGO “Parque Forestal de autóctonas do Monte Pedroso”, A XORNADA COMPLETA, POR UN PERÍODO MÍNIMO DE 3 MESES, DA ESPECIALIDAD DE:

___ REPOBOACIÓN FORESTAL E TRATAMENTOS SILVÍCOLAS

___ CONFECCIÓN E PUBLICACIÓN DE PÁXINAS WEB

A PERSOA REPRESENTANTE DECLARA:

1. Que en relación con outras axudas concedidas ou solicitadas (marcar con x):

___ No solicitou ni se lle concedeu ningunha outra axuda para a mesma finalidade para a que se solicita esta subvención.

___ Si solicitou e/ou se lle concederon outras axudas para a mesma finalidade para a que se solicita esta subvención, que son as se relacionan a continuación:



ORGANISMO	IMPORTE

Asimismo, comprométese a comunicar inmediatamente cantas axudas solicite e/ou obteña doutras administracións públicas o de outros entes públicos, nacionais ou internacionais, a partir da data desta declaración.

2. Que en relación coas axudas de minimis

___ Non solicitou ni se lle concedeu ningunha outra axuda de minimis

___ Si solicitou e/ou se lle concederon outras axudas de minimis, que son as que a seguir se relacionan:

ORGANISMO	ANO	DISPOSICIÓN REGULADORA	IMPORTE

Asimismo, comprométese a comunicar inmediatamente cantas axudas en réximen de minimis solicite e/ou obteña doutras administracións públicas ou doutros entes públicos, nacionais o internacionais, a partir da data desta declaración.

2. Que posúe a capacidade administrativa, financeira e operativa para cumprir as condicións da axuda.

3. Que o persoal de todos os centros de trabalo da empresa en Galicia no mes anterior ao mes de publicación da presente convocatoria é de _____

4. Que son certos cantos datos figuran na presente solicitude, que coñece as estipulacións da presente convocatoria e que cumpre os requisitos sinalados na mesma.

5. No estar incurso en ningunha das circunstancias previstas no artigo 10 de la Lei 9/2007, de 13 de xuño , de subvencións de Galicia.

6. No estar excluídos do acceso aos beneficios derivados da aplicación dos programas de emprego, conforme ao establecido no artigo 46 e 46 bis do texto refundido da Lei de infraccións e sancións na orde social, aprobado polo Real decreto legislativo 5/2000, de 4 de agosto .

7. Que a entidade solicitante cumpre os requisitos establecidos para obter a condición de beneficiaria segundo o artigo 10 da Lei 9/2007, de 13 de xuño , de subvencións de Galicia; especificamente, estar ao día no cumprimento dos deberes tributarios ou fronte a Seguridade Social e no tener pendente de pago ningunha outra débeda coa Administración pública da Comunidade Autónoma.



DOCUMENTACIÓN QUE SE PRESENTA:

- _____ DNI/NIE da persona representante
- _____ NIF da entidade solicitante
- _____ Poder para actuar en nome da entidade
- _____ Certificación bancaria do número de conta

COMPROBACIÓN DE DATOS:

O documentos relacionados serán obxecto de consulta ás administracións públicas. No caso de que as persoas interesadas se opoñan a esta consulta, deberán indicalo no cadro correspondiente e achegar unha copia dos documentos.	Opóñome a consulta
DNI/NIE da persoa representante	
NIF da entidade solicitante	
Certificados de estar ao corrente nas súas obrigas coa Administración Tributaria (estatal, autonómica e local) e coa Seguridade Social	

PROTECCIÓN DE DATOS

De acordo có establecido pola normativa vixente en materia de protección de datos, informámoslle de que o Responsable de Tratamento dos seus datos personais é o CONCELLO DE SANTIAGO DE COMPOSTELA, con enderezo na PRAZA DO OBRADOIRO, Nº 1 15705 SANTIAGO DE COMPOSTELA Os datos serán utilizados para prestarlle a axuda solicitada e a xestión administrativa derivada da concesión da axuda. Os datos non se cederán a terceiros, salvo por deber legal. Ten vostede dereito a acceder, rectificar o suprimir os datos erróneos, solicitar a limitación do tratamento dos seus datos así como opoñerse ou retirar o consentimento en calquer momento e solicitar a portabilidade dos mesmos en calquer momento. Para eso, el CONCELLO DE SANTIAGO DE COMPOSTELA dispón de formularios específicos para facilitarlle el exercicio dos seus dereitos. Pode presentar a súa propia solicitude ou solicitar os nosos formularios, sempre acompañados dunha copia do seu DNI para acreditar a súa identidade. Pode consultar a información adicional e detallada sobre Protección de Datos solicitándoa na OFICINA DE ATENCION AO CIUDADÁN-CONCELLO DE SANTIAGO DE COMPOSTELA.
--



LEXISLACIÓN APLICABLE

Convocatoria de axudas a través de incentivos á contratación temporal por conta allea do alumnado do Obradoiro de Emprego “Parque Forestal de autóctonas do Monte Pedroso”

Orde do 7 de febreiro de 2019 pola que se establecen as bases reguladoras das axudas e subvencións para os obradoiros duais de emprego da Comunidade Autónoma de Galicia e se procede á súa convocatoria para o ano 2024.

FIRMA DE LA PERSONA SOLICITANTE OU REPRESENTANTE

Lugar e data

SRA. ALCALDESA DO CONCELLO DE SANTIAGO DE COMPOSTELA



ANEXO II

INCENTIVOS A CONTRATACIÓN TEMPORAL POR CONTA ALLEA DO ALUMNADO DO
OBRADOIRO DE EMPREGO "Parque Forestal de autóctonas do Monte Pedroso"

XUSTIFICACIÓN

SOLICITANTE

RAZON SOCIAL		NIF
ENDEREZO		
COD POSTAL	PROVINCIA	CONCELLO
TELEFONO	FAX	CORREO ELECTRÓNICO

E, NA SÚA REPRESENTACIÓN (deberá acreditarse a representación por calquera medio valido en dereito)

NOME	APELIDOS	NIF

A PERSONA REPRESENTANTE DECLARA:

1. Que en relación con outras axudas concedidas ou solicitadas:

___ No ten solicitado ou concedida ningunha outra axuda para a mesma finalidade.

___ Ter concedido ou solicitado outras axudas para a mesma finalidade:

ORGANISMO	IMPORTE



--	--

Asimismo, comprométese a comunicar inmediatamente cantas axudas solicite e/ou obteña doutras administracións públicas ou doutros entes públicos, nacionais ou internacionais, a partir da data desta declaración.

2. Que en relación coas axudas de minimis

___ No haber solicitado ou ter concedida ningunha outra axuda de minimis.

___ Ter concedida ou solicitada outras axudas de minimis, que son as que a seguir se relacionan:

ORGANISMO	ANO	DISPOSICIÓN REGULADORA	IMPORTE

Asimismo, comprométese a comunicar inmediatamente cantas axudas en réxime de minimis solicite e/ou obteña doutras administracións públicas ou doutros entes públicos, nacionais ou internacionais, a partir da dataa desta declaración.

2. Que o incremento do emprego neto da empresa respecto ao mes anterior ao mes de realización da contratación foi de:

DOCUMENTACIÓN QUE SE PRESENTA:

Copias dos contratos de traballo obxecto da subvención

Alta e baixa na Seguridade social

Certificados de estar ao corrente no cumprimento dos seus deberes tributarios e fronte a Seguridade Social e coa Administración. Pública da Comunidade Autónoma



COMPROBACIÓN DE DATOS:

Os documentos relacionados serán obxecto de consulta ás administracións públicas. En caso de que as persoas interesadas se opoñan a esta consulta, deberán indicalo no cadro correspondente e acercar unha copia dos documentos.	Opóñome a consulta
DNI/NIE da persoa representante	
NIF da entidade solicitante	

PROTECCIÓN DE DATOS

De acordo có establecido pola normativa vixente en materia de protección de datos, informámoslle de que o Responsable de Tratamento dos seus datos personais é o CONCELLO DE SANTIAGO DE COMPOSTELA, con enderezo na PRAZA DO OBRADOIRO, Nº 1 15705 SANTIAGO DE COMPOSTELA

Os datos serán utilizados para prestarlle a axuda solicitada e a xestión administrativa derivada da concesión da axuda. Os datos non se cederán a terceiros, salvo por deber legal.

Ten vostede dereito a acceder, rectificar o suprimir os datos erróneos, solicitar a limitación do tratamento dos seus datos así como opoñerse ou retirar o consentimento en calquera momento e solicitar a portabilidade dos mesmos en calquera momento. Para eso, el CONCELLO DE SANTIAGO DE COMPOSTELA dispón de formularios específicos para facilitarlle el exercicio dos seus dereitos. Pode presentar a súa propia solicitude ou solicitar os nosos formularios, sempre acompañados dunha copia do seu DNI para acreditar a súa identidade. Pode consultar a información adicional e detallada sobre Protección de Datos solicitándoa na OFICINA DE ATENCION AO CIUDADÁN-CONCELLO DE SANTIAGO DE COMPOSTELA.



LEXISLACIÓN APLICABLE

Convocatoria de axudas a través de incentivos a contratación temporal por conta allea do alumnado do Obradoiro de Emprego “Parque forestal de autóctonas do Monte Pedroso”

Orde do 7 de febreiro de 2024 pola que se establecen as bases reguladoras das axudas e subvencións para os obradoiros duais de emprego da Comunidade Autónoma de Galicia e se procede á súa convocatoria para o ano 2024.

FIRMA DA PERSOA SOLICITANTE OU REPRESENTANTE

Lugar e data

SRA. ALCALDESA DO CONCELLO DE SANTIAGO DE COMPOSTELA

